

Donostia, 2017ko otsailaren 3a

IDAZKARI NAGUSIARI:

MOZIO ARRUNTA, MOZAL LEGEA INDARGABETZEA DELA ETA

Irabazi Donostia udal taldearen bozeramaile Amaia Martin Garinek eta EH Bildu udal taldearen bozeramaile Amaia Almirall Lopez de Luzuriagak, Udalbatzaren Araudi Organikoko 98. artikulua oinarri, UDALBATZAN EZTABAIDATZEKO ONDORENGO MOZIOA aurkezten dute, *Mozal Legea* izenaz ezaguna den Herritarren Segurtasuna Babesteko 2015eko martxoaren 30eko 4/2015 Legea indargabetzea dela eta.

JUSTIFIKAZIOA

Joan den urtarrilaren 10ean, zenbait donostiarrek mozio proposamen bat erregistratu zuten, gure hiriko pertsona askorentzat *Mozal Legearen* aplikazioa izaten ari den ondorioez.

Mozioaren justifikazioak hau dio:

«Duela urtebete baino gehixeago onartu zituzten *Mozal Legeak* deiturikoak: Herritarren Segurtasuneko Legea eta Zigor Kodearen erreforma. Biak neurri multzo baten parte dira, hala nola Prozedura Kriminalaren Legea eta Doako Laguntza Juridikoaren Legea. Neurri horiek helburutzat dute guri askatasunak kentzea, protestak zigortzea eta, bereziki, pobrezia eta kolokatasun egoerak zigortzea. Edozein bizilagun susmagarri bihurtuko da, baldin ohiko agenteak uste badu delituren bat egin lezakeela; ez da beharrezkoa izango bizilagun horrek delitua egin izana. Horrela, gertakariak ez ezik, gizatalde jakin batzuk ere kriminalizatu dira, hala nola migratzaileak, aktibistak, baliabiderik gabeko pertsonak eta gizatalde horiekiko elkartasuna erakusten duen jendea.

Hainbat erakundek erabateko arbuioa adierazi diete lege horiei. Nazio Batuen Erakundeak lege horien kontra ekin dio; zuzenean esan du lege horiek “gizabanakoen funtsezko eskubide eta askatasunak urratzeko arriskua” dakartela. Hurbilago, berriz, Gipuzkoako Batzar Nagusiek, ekainaren 8ko osoko bilkuran, 60/2016 ebazpena onartu zuten, Mozal Legeak arbuiauzeko.

Hala ere, hainbat gizarte taldetako gutxienez 22 lagunek jaso dituzte isunak Mozal Legea aplikatuta Donostian, eta dagoeneko 9.000tik gora euro metatu dira isunetan. Isun horietako batzuk Donostiako Udalarenak soilik diren eskumen eremuetan, hala nola kartel eta pankartei buruzkoan, Ertzaintzaren esku hartzearekin.

Mozioa aurkeztu duten isunduak:

Donostia Saldu ta Suntsitu: Kaian performancea egiteagatik Maiatzaren 1ean.

Nahiko Arraiza Eguillor

Marta Barba Gassó

Xotik Natke Minguez

LAB sindikatua: azaroan eta Maiatzaren 1ean langile mobilizazioan parte hartzeagatik

Luli Eraso

Eliax Miner

Ezker Abertzalea: San Tomasetan pankartak jartzeagatik

Nuria Alzugarai

Ander Suberbiola

Janine Uriarte

Unai Alonso

Ibon Abad

Gipuzkoa Zutik dinamikan parte hartzeagatik

Xabi Soto

ELEAK-Libre dinamikan mobilizazioak antolatzeagatik eta herri harresietan parte hartzeagatik

Asier Coloma

Beñat Apalategi

Josea Alvarez

Mozioa aldeztzen duten gizarte, sindikatu eta politika erakundeak:

Komite Internazionalistak

Askapena

Errauskailuaren Aurkako Plataforma

Satorralaia

LAB

CNT

CGT

Ahal Dugu

EH Bildu

Ezker Anitza-IU

Sortu

Euskal Komunistak PCPE

Gazte Komunisten Kolektiboa- GKK

Equo

Udalan bertan, erakunde adierazpen bat onartu zen joan den uztailean, ildo horretan. Honela zioen: «1) Donostiako Udalbatzak arbuia egiten du Alderdi Popularraren Gobernuaren jarrera autoritarioa. Jarrera horrekin, eskubide sozial nahiz zibilak murriztu nahi ditu, legeak eta arauak aurkeztu eta onartuz, hala nola Zigor Kodearen erreforma, herritarren segurtasuneko legea eta tasa judizialak handitzeari buruzkoa. Eta 2) Donostiako Udalbatzak eskumena duten erakunde publiko guztiei hertsatuki eskatzen die errespetatzea donostiarren eskubide zibil eta politikoak.»

Horregatik guztiatik aurkezten dugu Irabazi Donostia eta EH BILDU udal taldeok ondorengo

MOZIO ARRUNTA

1. Donostiako Udalbatzak Estatuko Gobernuari hertsatuki eskatzen dio indargabe dezala Herritarren Segurtasuna Babesteko 2015eko martxoaren 30eko 4/2015 Legea, *Mozal Legea* izenez ezaguna. Haren aplikazioak ekarri du hainbat taldetako 22 donostiarrek isuna jasotzea.
2. Donostiako Udalbatzak Diputatuen Kongresuari hertsatuki eskatzen dio ezen, 4/2005 Legea indargabetzarekin batera, ireki dezala indar politiko guztien artean adostutako eztabaida bat, 1986ko martxoaren 13ko 2/1986 Legea —*Corcuera Legea* edo *Ateari Ostikoa emateko Legea* izenez ezaguna— eta espetxeetako lege organiko orokorra erreformatzeko. Horren guztiaren helburua da modu integralean erreformatzea Estatutik inposatzen diren segurtasunari lotutako alderdi guztiak. Gizarte eztabaida zabal bat eratu beharko dute, erreakzio alderdi tradizionaletatik soilik ez, baizik eta funtsean prebentzio alderdietatik begiratuta; delitua aztertzeari eta haren euspenari begiratuta gizarte eta ekonomia aldagaiak hartzen dituen eta zeharreko lan zabala eskatzen duen gizarte arazotzat.
3. Donostiako Udalbatzak bere babesa erakusten die *Mozal Legea* aplikatzearen ondorioz bidegabeki zehatutako donostiarrei eta gainerako zigortuei. Izan ere, *Mozal Legeak* eskubide sozial nahiz zibilak murrizten ditu.
4. Donostiako Udalbatzak eskumena duten erakunde publiko guztiei hertsatuki eskatzen die errespetatzea donostiarren eskubide zibil eta politikoak, eta ez ditzatela eskubide horien aurkako legeak aplikatu.

Izpta.: Amaia Martin Garin,
Irabazi Donostia udal taldearen bozeramailea.

Amaia Almirall Lopez de Luzuriaga,
EH Bildu udal taldearen bozeramailea.